



Future-proofing our children

Sikolo sa lasunda: Sitopa sa banana ba bainyani

Toho ya Tuto

Ku ba mwana Mulimu

Buka ya Bashemi
Sikolo sa la Sunda sa mwa malapa



Balatiwa Bashemi

Mwa amuhelwa kwa tuto ye li “**Ku ba mwana Mulimu**” ya sikolo sa lasunda ya banana ba bainyani. Pampili ye i mifa kabukuswani kamo muka lutela tuto ye.

Mo mu kona ku itukiseza ni kufa tuto

Ze tatama ki zeñwi zeo mu swanela ku ezeza mwa ku itukiseza ni ku fela tuto ye.

Muhato	Sa kueza
1.	Mu kene fa likepe la Keleke ya ba Apositola ba Banca, ka ku sebelisa likepe le fa WhatsApp: https://bit.ly/3NACSSHS
2.	<p>Mu be ni lisebeliso ze tatama kuli mu kone ku itukiseza kufa hande tuto:</p> <ul style="list-style-type: none"> • Bibeke • Mapampili a lukisizwe kale a tuto ye. • Buka mwa sebeleza mwanana, lipotoloto ni lipendiso za banana, ni zeñwi cwalo. • Maswaniso aku buha a lukisizwe a kona ku sebeliswa ku ekeza fa halimu a tuto (ha ku konahala) • Katekisema ni buka ya lipuzo ni likalabo (Kwa banana ba bali mwa litopa za Tiisezo) <p>Mamela:</p> <p>2.1: Nako yende yakufa tuto ki la Sunda ka kusasani, ka samulaho a sebelezo, sina banana ha ba fiwanga lituto ka nako yeo.</p> <p>2.2. Mukupiwa ku eza tuto ye bukuswani ha ku konahala, ka ku hupula nako nyana yeo banana ba kona ku teezeza ni ku utwisisa hande.</p> <p>(Mu sike mwa bulela ze sa ami tuto) ya mwanana – Ki mina mu ziba ahulu mwana mina ni ku fita. <i>Ka mulao, sikolo sa la Sunda hasi swaneli ku fitelela mizuzu ye mashumi a mane nito tu keta lizoho (45 minutes).</i></p> <p>2.3: Lituto li kauhanyizwe ka litopa (Sikolo sa la Sunda, Taelo ya silumeli ni Tiisezo).</p> <p>2.4: Mulizeze kapa ku ikopanya ni muluti wa sikolo sa la Sunda ha mu tokwa tuso kwa lisebeliso ze bulezwi.</p>
3.	Mu lapele (Mubone tapelo ye ñozwi, kwa mafelelezo) mi mukupe Mulimu kuli ami eze sisebeliso mwa kufa tuto ye, ka mwa latela.
4.	Mu eze sibaka sa tuto kuba se sinde (ku sina lilata) fo mina ni mwanana mu bani buino bo buswana. Ka mutala: Mu ine fa lishasha/ fa museme kapa fa lipula ku potoha tafule
5.	Mu bale tuto ye lukisizwe. Mu kutele ku ibala hape kuli mui utwisise hande. Mu buhe maswaniso a tuto kuli mube ni kutwisiso hande
6.	Mu iñolele tu ñusanyana twa butokwa to mubata ku hupula ha mufa tuto.



Mufe tuto ya Sikolo sa la Sunda mwa malapa

Mo kuswanehela ku itukiseza ni kufa tuto ye


Lu zwela pili ku mifa mikwa, yeo muswanela ku itukiseza ni ku fa tuto ye:

Muhato	Sa kueza
7.	Mu utwisise butokwa bwa tuto, yeo mwanana a swanezi ku mamela ni ku sa libala.
8.	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9.	Mu supeze mwana mina video, mi muketele butokwa mwa tuto ye.
10.	Mu bulelele ni ku susuweza mwana mina kuli a eze musebezi o mwa buka ya hae, ya sikolo sa la sunda.
11.	Mu lapele kapa mu kupe mwanana kuli a lapele kaku kwala tuto.

Lisebeliso ze fumaneha kuama Sikolo sa mwa malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze likepe la WhatsApp la ku ikambota tuto ye ni mabasi a mañwi a sikolo sa la sunda.
2. Mu ambole ni bashemi ba bañwi kuli mube ni kutwisiso ku amana ni tuto pili mu sika ifa kale ku mwana mina.
3. Mu be baba lukuluhile, ku batisisa litaba zeñwi kuama tuto ye.
4. Muongaongi ni muluti wa sikolo sa la Sunda mwa kopano yamina ba itukiselize ku mi tusa.

 Notes



Tuto

Toho ya tuto

Ku ba mwana Mulimu (Lisakramente, Baeteleli)

Mutomo/ butokwa bwa tuto

Lu ituta ka moo, ndataluna ya kwa lihalimu a li hohela bukaufi ku yena ka mukwa wa kolobezi ye kenile, moya o kenile ni silalo se sikenile, hamoho cwalo ni ku ba ni itumela ni ku ikutwa ku fuyaulwa bakeñisa baeteleli ba ba lu babalela.

Tuto ye kusufaliswe:

Tuto ya luna l bulela za kolobezo ya kenile ya mezi, kolobezo ya moya , silalo se si kenile ni baeteleli ba luna.

Ku ekeza kwa lituto za Jesu, kolobezo ya kenile ya mezi, kolobezo ya moya ni silalo se si kenile, kona li sakramente ze talu ze eziwa mwa keleke ya ba Apositola ba banca.

Lisakramente ki likezo ze kenile, kafoo Mulimu u eza lisepiso kwa batu (kuna ni nina).

Kezo ya kolobezo ye kenile, i eziwa ka mezi ili kuli lu keniswe ni ku lumelela ku tiisezwa kwa sizwale/silikani mwa hali kuluna ni Mulimu. Lu ba balumeli mi hape lu fetuha ku batu ba Mulimu.

Kezo ya silalo se sikeneile ne ikalilwe ki Jesu nako yeo hana ca ni ba Apositola ba hae, mwa nako ya manzibuana pili lzazi la ku takiswa kwa Jesu li sika fita kale (lihu la Jesu). Na file taelo kwa ba Apositola kuno canga silalo se si kenile ka mukwa wa ku no muhupulanga. Ka mukwa o cwalo, silalo se sikenile si ciwa mwa sebelezo ni sebelezo ili kuli lu hupule lifu la Jesi ni kuli na shwezi libi za luna. Taba ye i ezahala nako yeo halu amuhela sinkwa.

Kezo ya moya o kenile i ezahala, nako yeo bao ba balumela ku Mulimu, ba funa moya o kenile. Kezo ye ikona ku eziwa feela ki mu Apositola, ka ku beya lizoho la hae fa toho ni ku lapela. Nako ye ki nako yeo lufetuha ku ba bana ba Mulimu.

Lisakramente ze talu ze, likona feela ku eziwa ki ba ba inzi mwa litulo za bu Apositola ni za buPrisita..

Baeteleli ba luna

Ba eteteleli ki balumiwa ni ba tanga ba Mulimu. Ba lu lapelela ni ku lu babalela ka lilato le lituna. Kacwalo, lu swanela ku ba kuteka mane ni ku ba hupula mwa litapelo za luna.

Mukupiwa ku buha video ye, kuli mubone ka moo, likezo ze li ezezwa/eziwa.



Tuto ye italusa sika mañi ku luna kacenu?

- Kolobezo ya kenile ya mezi, kolobezo ya moya ni silalo se si kenile, ki li sakramente ze talu ze fumaiwa mwa keleke ya ba Apositola ba banca.
- Li sakramente ze, li zamaelela ni lituto za Jesu.
- Li sakramente ki likezo ze kenile, fo Mulimu a eza buitamo ni luna.
- Li sakramente ki limpo za lilato ku luna, ze zwa ku Mulimu..
- Ha lu amuhela li sakramente, lu ba ni ku inelela ku ba bana ba Mulimu.

Lipuzo zemwi ze lu kona ku buza:

1. Kolobezo ye kenile sika mañi?

Kalabo: *Ki kolobezo ya mezi ni ku tapiswa kwa sibi sa sizwalo.*

2. Butokwa bwa kolobezo ye kenile ki bufi?

Kalabo: *Ki mutomo wa ku ba mwa Mulimu.*

3. Kolobezo ya moya sika mañi?

Kalabo: *Ki kolobezo ya moya ka mukwa wa ku beiwa mazoho fa toho ki mu Apositola.*

4. Libaka ki lifi halu ca silalo se si kenile?

Kalabo: *Lu ca silalo se si kenile kuli lu hupele lifu la Jesu bakeñi sa libi za luna.*

5. Kiñi ha luna ni baeteleli mwa keleke ya luna?

Kalabo: *Baeteleli ba luna ba babalela ze lu tokwa kwa moya, ze cwale ka ku lu potela, ku potela ba ba kula, ni ku fa lisakramete.*



Litapelo za luna

Tapelo ya bo Ndate ni Boma ye fiwa pili tuto isi ka tateka:

Ndate ya mwa lihalimu

Na itumele ku wena kwa lizazi lelimwi la lilato ni sishemo sa hao

Na kupa u fuyole bome ni bondate. Fuyola baeteleli, balikani baluna kaufela ni mabasi a luna

Lu lapela kuli lu ku late ni ku kuli lu kalatelela bashemi ba luna

Lu fuyole kuli lu kone kuba ni sishemo ni lilato mane ni ku ba ni likuta ni musa ku be lu kopana ni bona

Lwa kupa u fuyole tuto ya sikolo sa banana sa la Sunday ye, ni kuli nako kaufela lu hupule ku itumela ku wena ka ku lu keta kuba bana ba hao.

Lu bata ku inelela mwa tumelo ni ku latelela ku fitela u taha ku to lungela kwa hae.

Lu kupa ze kaufela mwa libizo la hao

Amen

Tapelo kasamulaho wa tuto:

Ndate ya mwa lihalimu,

Lwa itumele kuli ulu silelelize, ni ku lu lumelela kuli lu kone kuba ni likande lelinde la Bibe

Lwa itumela kwa ku lubabalela ni ku lu Sileleza kwa likozi.

Na kupa uli tuse ku ba baba latelela bashemi ba luna, ni kuba ni seshemo ku be lu kopana ni bona.

Na kupa ulu tuse kwa misebezi ya luna ya kwa sikolo.

Fuyola mu Apositola yo muhulu, ba Apositola ni baeteleli ba keleke kaufela, mi uba sileleze mwa misipili ya bona, ili kuli ba lu lute zeñata za musebezi wa hao.

Na kupa utuse bana ba hao kaufela, sihulu baba kula, ni ba basina sa kuca ni malobalo

Taha kapili ulungele kwahae

Lu kupa ze kaufela, isi kuli za lu swanela, kono mwa libizo la Jesu

Amen.